

7 beradik penagih

02-02-2018 **setempat** 11

7 BERADIK PENAGIH

■ **Terjebak dadah selepas kematian bapa 4 tahun lalu**

Zuliaty Zulkiffi
am@hmetro.com.my

Alor Setar

Usianya baru 10 tahun, namun seorang kanak-kanak terpalit 'noda' apabila terbit penyakit dadah bersama-sama enam adik-beradiknya.

Perkara itu terdedah hasil ujian saringan air kencing dilakukan anggota Agensi Antidadah (AADK) negeri ketika memeriksa rumah keluarga itu di Desa Keda, Kampung Bukit, Pokok Sena, dekat sini, semalam.

Ikon AADK Kedah, Dr Zaki Zamani Abd Rashid berkata, pihaknya terkejut apatah lagi kanak-kanak terbit seputuhnya dilindungi dan dijaga kakak dan abangnya.

Beliau berkata, pihaknya bersama AADK Kota Setar/Pokok Sena yang diketuai Ketua Unit Pencegahan AADK Kota Setar, Suria Azlina Shaarin, Jabatan Kebajikan Masyarakat (JKM), Lembaga Kemajuan Wilayah Kedah (KEDA) dan penghulu Bukit Lada melakukan pemeriksaan di rumah tujuh beradik itu, jam 10 pagi semalam.

"Hasil ujian saringan awal air kencing mendapati tujuh beradik

berusia 10 hingga 30 tahun itu positif dadah.

"Mereka mempunyai lapan adik-beradik, tetapi kakak sulung tinggal di negeri lain, manakala abang kedua berusia 30 tahun yang bekerja sebagai pengawal keselamatan mula terjebak dengan dadah selepas kematian bapa mereka empat tahun lalu.

"Bermula dari situ, adik-beradik lain turut menagih dadah dan dua daripadanya perempuan termasuk seorang yang menjadi ibu tunggal," katanya ketika dihubungi semalam.

Dr Zaki Zamani berkata, tujuan pemeriksaan bagi menyelamatkan tujuh beradik itu daripada terus hanyut dengan dadah.

Katanya, sebelum ini, kanak-kanak itu belajar di sebuah sekolah di Padang Terap dan tinggal di asrama, tetapi disebabkan tidak selesa tinggal di situ, dia pulang ke rumah dan tinggal bersama adik-beradiknya.

"Difahamkan, dua kakak dan empat abangnya itu adalah anak ibu lain yang sudah meninggal dunia akibat kanser 10 tahun lalu, manakala kanak-kanak itu adalah adik daripada

ibu baru, namun wanita itu tidak pernah datang menjenguk.

"Abang keempatnya masih direman AADK selepas ditahan minggu lalu kerana terbit dadah manakala yang keenam dan ketujuh yang berusia 16 dan 17 tahun sudah tidak bersekolah," katanya.

Dr Zaki Zamani berkata, dua beradik perempuan yang berusia 25 dan 22 tahun pula tidak bekerja, namun semua mereka ditanggung oleh abang kedua mereka yang juga menagih dadah.

Katanya, kanak-kanak itu kini dijaga JKMA dan ditempatkan di wad kanak-kanak Hospital Sultanah Bahiyah (HSB) untuk rawatan lanjut, manakala dua remaja lelaki berusia 16 dan 17 tahun itu dibawa ke HSB untuk mendapatkan rawatan sebagai pesakit luar.

"Empat beradik yang lain pula berada di bawah pengawasan AADK dan akan melihat sama ada perlu dihantar ke pusat pemulihan atau sebaliknya.

"Terdahulu, kami turut memberi kaunseling kepada mereka untuk memastikan mereka tidak mengambil dadah pada masa akan datang," katanya.

FAKTA

Tujuh beradik terbit dadah berusia 10 hingga 30 tahun



ENAM daripada tujuh beradik yang didapati positif dadah dalam pemeriksaan di sebuah rumah di Desa Keda, Kampung Bukit.